

文苑錄

文以載道故道之顯者謂之文就文求道不得舍文言道亦不得也邑自紫陽過化文學日興明清以來各士子又爭尚氣節不輕入有司之門士習之端足可模範其有學優登仕者則又文章經濟斐然可觀固非沾沾焉徒事記誦詞章之末也雖然古文筆記詩詞歌賦雖詞章之末亦性情學問所見端班馬之香屈宋之豔鮑庾之後逸清新至今猶膾炙人口然則文不綦重乎校制既改國學就荒此後之高文典冊將如白雪陽春唱和日寡矣則搜羅舊學闡幽發微烏容已耶志

文苑

唐 薛令之 薛沙 陳黯

宋 許權 黃萬頃 徐應中 許景陽 陳齊仲 陳洽

許衍 劉志學 蘇玘

明 陳福山 張苗 葉普亮 黃仲偉 楊朝幹 顏揚

劉汝楠 李如玉 洪受 周祐 蘇瀾 傅鑰

同安縣志

卷之三十一

人物錄 文苑

李希沆 許開 劉夢騶 蔡謙光甘光 許獬 池顯方

王道照 林道光 林泰葵 劉霖任 梁岐超 黃繼冕

清 李其蔚 陳常夏 張贊宗 周奠邦 陳夢球 林鵬揚

周奇炤 蔡驥良 葉奕章 葉壽晟 池其繩 許其鏐

莊元聲 陳可遠 張對墀 黃而揮 許琰 陳重琳

莊天能 曾源昌 劉天澤 林豐玉 陳皋 劉蔚

劉寶玉 黃江 張星徽 莊科達 葉晴峯 陳世澤

康亮 劉蘭 葉廷梅 高一揮 蔡士哲 郭邁

蔡德輝 李正捷 黃日紀 洪晨芳 葉潤 黃維岳

童肯堂 陳渭陽 曾蓮炬 黃垂昆 呂世宜 陳瑞霖

陳鵬南 陳障川 倪以瑒 陳騰鯤 陳青 吳登龍

葉鍾瑛 顏潤庭 胡承烈 王步蟾 吳錫圭 葉大年

周冕 張菱 陳耀礪 林騰驤

唐

辭令之字珍君長溪人徙今嘉禾里神龍二年進士閩人以詩賦登第自令之始開元中累遷左補闕兼太子侍讀與賀知章並侍東宮時李林甫不愜於太子宮僚冷落令之欲諷明皇題壁云朝旭上團團照見先生盤盤中何所有苜蓿長闌干明皇覽不悅援筆題曰啄木嘴距長鳳凰羽毛短若嫌松桂寒任逐桑榆暖令之遂謝病徒步歸明皇聞其貧令有司資以歲賦令之量口受賜及肅宗卽位以舊德召而令之已逝矣因勅名其鄉曰廉鄉水曰廉水有明月先生集行於世

府志
葉甫

峯詩
話

辭沙令之裔孫爲龍溪尉居嘉禾與人稱辭嶺其南陳黯宅在焉時號南陳北辭五世至之偃任司農少卿宋元祐中裔孫穎士舉貢士著作郎府志名按廈門志云廈人物以南陳北辭最古此語始於閩書辭令之云自福安徙居嘉禾與時號南陳北辭府志謂令之登神龍二年進士陳黯乃會昌時人相去百二三十年不應有南陳北辭之目且令之本傳不載遷同安從名勝作辭沙較確其載陳黯云徙居嘉禾與辭嶺則辭嶺之名已在前矣閩書謂以令之得名亦似也然本傳不載令之徙居同安而縣志驚江志載其墓在廈門張社則又確居同安不言同安者

同安縣志

卷之三十一

人物錄 文苑二

以唐時同安尙未縣也清漳雜記云陳邕神龍初進士開元二十四年被謫入閩自莆移漳有四子夷則夷錫夷行夷實嘉禾陳氏譜云夷則遷嘉禾與與學士辭令之同里巷鄉人遂有南陳北辭之稱卒葬烏石浦內潯山然則南陳北辭豈夷則令之在前黯與沙在後乎夷則姑從闕令之與沙兩存雖流寓卽家焉通志府志列之流寓舊志列之外紀悉於體例未合今從廈門志列於文苑

陳黯字希儒父贄通經及第十歲能詩十三袖詩一通謁清源牧其首篇咏河陽花時面痘新愈牧戲之曰藻才而花貌胡不詠歌黯應聲曰玳瑁應難比斑犀定不加天嫌未端整滿面爲裝花由是聲名大振於州里十七爲詞賦作蘇武謁漢武帝清廟賦爲作者服黯松姿柳態山屹波注語默有程進退可法早孤事母彌孝鄉薦求試貢闈已過四十矣其壻黃滔序云會昌乙丑建通乙酉其間以寧家兼在疚之斷絕往來吳楚之江山辛勤秦雍之槐蟬嘆嗟知己之許與與同郡王肱蕭樞同邑林顥漳浦赫連韜福州陳旣陳發詹雄同時而名價相上下其詩篇詞賦牋檄皆精而切於官試尤工云咸通初與江東羅隱定交於蒲津秋試之場天復元年江夏滔求遺藁得文三十一首詩賦若干首爲之前序羅隱爲之後序

探
廈

門志亦
園勝牘

按廈門志云黯字希儒號昌晦南安人此誤也黯先爲莆人後徙居嘉禾與亦園
脛牘考證最詳茲照錄之唐書藝文志載陳黯泉州南安人何炯清源文獻亦云
南安人晁氏郡齋讀書後志黃滔羅隱前後二序稱其望族曰穎川先生誤作穎
川人通志郡志因之列諸寓賢陳鐵香太史据黃滔所撰司直陳嶠墓志證其爲
莆陽人蓋以滔與黯同時又係戚誼其志銘云閩越江山莆陽爲靈秀之最貞元
中林端公藻冠東南之科第十年而許員外稷繼翔其後詞人亶亶若陳厚慶陳
泛陳黯林灝許温林速許龜圖黃彥修許超林郁俱以夢筆之詞籟金之學半生
隨許據此則黯之爲莆陽人斷然可信又滔序黯集云與同郡王肱蕭樞同邑林
灝漳浦赫連韜名價相上下考泉州府志王肱列於晉江文苑傳黯與同郡則當
係泉屬人其考據實較確於通志穎川文集又云通志及郡縣志皆謂黯避黃巢
之亂先隱終南山後隱同安黃巢之亂始於乾符二年而黯已前卒咸通中亦無
由至彼時也又清源文獻載黯所著有裨正鐵香駁之云朱子裨正書序乃唐陳
昌晦撰未嘗指爲黯作不知何以傳之於黯而臆指昌晦爲黯號也唐書宰相世

同安縣志

卷之三十一

人物錄 文苑三

系表陳氏有昌晦初名黯或沿此而誤耳若福建續志稱黯大易裨正三卷則又
歧中之歧矣黯移居嘉禾嶼釣磯讀書臺俱在泉漳間以黯爲祖者族姓蕃衍通
志府志列之流寓似於體例未合舊志列諸外紀尤未切當今仍從廈門志列諸
文苑

宋

許權字正衡號巽齊以明經登治平元年甲辰科進士官至承信大夫盛德高標文
名藉甚平生所爲名藍古刹碑文最多人爭傳誦朱子簿同安曾勗以詩云文圃
山高君莫羨聖門巖巖與天齊則其人品可知矣著文集被兵燹湮滅僅存者蘇
魏公贊西安橋記略耳卒於宋大觀二年祀鄉賢一其行述列弘治八閩通志文
苑傳一許雁之族譜閩
書吳錫琮補

黃萬頃字景度紹興二十七年進士知雷州陞對言馬政甚悉帝嘉嘆改知廉州秩
滿改瓊州從宦四十年不植畝田椽屋仕纔起輒仆視之恬然日以詩酒爲樂所
著有詩文數百篇又集古今詩話爲筆苑五卷祀鄉賢

徐應中舉進士朱文公爲簿時請充學賓以教生徒稱其留意講學議論純正

許景陽字子春從文公游文公稱其說話意趣儘好恨不得款曲議論

陳齊仲嘗遊朱子門資性高明於理道多解析朱子勉其務實以底於醇

陳洽字澤南入太學慶元二年進士歷僉判韶州知懷安漳浦溧水三縣通判廣州在韶州攝郡逾歲卻例券金不取崔與之司臬行部服其公廉寶慶初真德秀薦以應詔謂文章根乎理致政事出於慈祥時賢交推輓之洽表啟典裁偶儷精切他作皆清麗可愛未六十卒有遺稿數十卷祀鄉賢以上舊志

許衍衍之弟隱居苦學博通經傳子史編田舍墨記四十卷閩書

劉志學字師孔以薦入上庠與兄璧咸淳七年唱第釋褐教授台州以二親高年白郡歸省未幾元兵南下杜門自守菽水爲娛蒲壽庚欲羅致門下不可得下帷講誦四方學者從之如雲暮年喜與同輩縱飲劇談翰墨淋漓種菊數十本號曰菊圃以陶元亮韓致光自許卒祀鄉賢

蘇玘字訓直以恩補將仕郎調嚴州遂安尉擢爲尙書吏部郎中屬文有體制筆法簡遠其尺牘尤爲時所珍愛往往藏去渭南集

明

同安縣志

卷之三十一

人物錄 文苑四

陳福山洪武癸酉甲戌聯第進士令零陵奏蠲無徵稅千餘石永樂丙戌較文廣東

丁亥徵入纂修大典後改江山縣訓導陞瀧水教諭祀鄉賢

張苗字世英號實齊成化丁亥以楷書精妙擢中書舍人癸巳修通鑑綱目成遷大理寺評事壬寅進御覽小楷綱目超拜太常寺丞旋加少卿又以叔敏保翊孝廟功推恩進太常卿尋改南京通政使乞休歸與蔡觀慧顧美等十七人爲逸樂會蔡清爲文記之宏治乙丑晉階二品子定宏治庚戌進士宜辛酉舉人

葉普亮字廣熙號靜菴嘉禾蓮坂人幼穎異讀書經目數行俱下正統戊辰進士授南京清軍御史清無名之役鄉人至今德之補北京巡城御史復任河道監察御史清理諸路戎政時有番使陳詩上命邱濬商輅等十三才子和之普亮與焉又嘗與商輅劉某策馬觀榜商一覽無遺公遺三者劉遺七名時號天下三才子後歸養遊洪濟山畱雲洞有兩階苔雨三春濕半嶺松風六月寒之句天順中起用未赴而卒年五十葬烏石浦陳蓋山

黃仲偉以字行邑諸生篤志好學受業陳琛之門時兄偉官南刑部郎中琛遺書曰仲偉近作斐然可觀駸駸有欲難其兄之意可以見其人矣陳紫峯文集

楊朝幹號時齋力學有聲與林希元善希元落職歸家朝幹以詩歌酬答年四十九卒所著有四書詩經集覽

顏揚字士抑號文岫父仁長於詩歌授徒漳州郡守汪鳳以黃梅雨試學究仁援筆立就辭意高古大加擊節揚就學於林次崖以古人之道自期爲帖括性質聰敏舉業外每出詩文輒驚長老顧司徒珀見其清源詩乘輿訪之俞大猷與爲刎頸交致之任侍御陳蕙嘗遊其門嘗謂功名可立致而試有司卒不利以布衣終其身卒年七十三

林次崖文集

劉汝楠字孟木號南郭幼穎異十歲能文嘉靖戊子督學吳仕拔之語主考曰解元必春秋出同安及揭榜果汝楠也壬辰登進士司理湖州入爲刑部主事尋轉員外郎以文名擢湖廣提學爲人峭直不肯俯仰臺察又念親老乃謝病歸太宰惜其才學覆議病痊起用時年未四十遂矢志不出日以詩酒自娛所著有白眉子存笥稿卒年五十八

李如玉後隴人究心禮書纂集周禮會要十五卷嘉靖八年令其子詣闕上之詔命有司獎給冠帶事載明史魏校傳

同安縣志

卷之三十一

人物錄 文苑五

洪受字鳳明潛心力學於經傳多所發明著有四書易經從正錄滄海紀遺十卷嘉靖乙丑以貢歷國子助教夔州通判卒於官

周祐字命申學問該博隱居教授從者如雲傳易說於漳郡漳之易至今宗之蘇瀾同禾里田頭人宋魏公之裔有文名究心經籍精春秋家言嘉靖戊子舉人署教五河金谿知樂昌縣後陳令文延爲鄉賓年九十卒

傅鑰字國毗自號鷺門山人中丞鎮之弟少時鳴劍躍馬慨然思衛霍之勳則結束學武久之厭去一意爲詩以詩遍交四方豪俊壯歲遊二京吳會探雁蕩五羊之勝晚以母老第往來漳泉間編修莊履豐戶部莊履朋大理何喬遷侍郎何喬遠諸名人皆所友善都督俞大猷尤重之時參計畫其在漳泉間者若丁一中陸一鳳殷康沈有容皆雅相唱和嘗從豐城李孟誠講聖賢之道以提攝收束爲要其詩由苦而致精一字未妥晝則忘疲夜以申旦何喬遠序之以行世

閩書舊志厦門志何鏡山

文集合參

李希沆字學克大學人聰穎絕倫過目成誦七歲能文有神童之稱鄉先輩南郭劉公試以對云筆架三山終無虎狼出沒沆應聲曰棋盤九道任他車馬驅馳名益

振嘉靖壬子歲遊庠年甫九齡學使守令皆器異之至十八歲以疾夭無嗣所著詩古文因遭倭亂燬劫無有存者族人惜其才爲釀金置產以充歲祀

許開邑諸生懷奇博覽善古文詞其上下古今論得失成敗多識見所著有滄南集

孫獬

劉夢騶字國成號應南存德第三子六歲隨父守南康值父疾哀號求代母歿官舍夢騶偕弟夢松護喪歸路人感動年十四爲諸生於書無所不窺爲古文辭雄偉鉅麗凡達官貴人序述贈送之文必出其手其窮愁磊砢之氣時寄於詩未幾父歿而禍作初司寇洪朝選之姻與夢騶之兄夢龍嘗以負債構隙及朝選被逮死獄中人疑彈詞出邑令手而夢龍與令歡後朝選子伏闕訟冤詞連及令並夢龍兄弟是時逮者四出夢騶岌岌不免虎口夢龍諭以覆巢之下無完卵尙與員各自爲之而解元林奇石亦曰兄弟俱死無益也遂不及訣家人以行昕暮荆棘中飢渴困踣漳有義俠士黃廷麟慕其名夜叩匿所與俱出治裝致之東山薛氏索者益急妻黃氏及其外母脫簪珥爲道里資由漳趨越乞吳市而棲湖之祥雲觀訪父故人凌雲翼茅坤坤止於家讀其文奇之因得與諸名公遊茅公又爲作訟

同安縣志

卷之三十一

人物錄 文苑六

冤書海內讀而悲之居二載太宰張瀚亦父故人勸夢騶歸曰吾已爲白於金省吾陶雲谷二使君矣至家杜門斂跡不與外事惟求詩文者不可卻既成則削其稿曰吾以當泣耳癸卯秋屬續前三日夢天帝召文士七人作卿雲護闕賦已居首賞鈔八錠醒猶記其一二卒年五十一夢騶於古文遠慕馬班後喜李于鱗集手爲註釋行之所著有天馬更生集二卷

蔡謙光字衷卿邑諸生蔡甘光字雨卿恩貢生俱少司寇獻臣子並以詩名謙光爲詩冲秀高華甘光尤負奇筆體數變後乃造冲淡如涼風素娥微風搖珮父執何喬遠蔡元履更以雄深進之謙光著千雲齋集甘光著恢齋集舅氏池顯方均爲

之序

節本
集序

許獬原名行周以夢揭魁榜更今名字子遜號鍾斗九歲能文卽多驚人語客與其父振之談夾谷之會危其事獬從旁應曰已請具左右司馬以從矣客奇之年十三淹貫經史學博鄭耀稱爲天下才司理劉純仁亦謂其當魁天下延署中讀書見羅李公材倡學於閩往從焉慕李光縉文章徒步至晉江師事之萬歷丁酉舉於鄉戊戌下第歸讀書梵天寺參政汪道亨延之署中談文外不涉一私庚子上

春官與太倉王衡會文蕭寺王不可一世獨心折獬云春闈冠軍惟君與我耳及辛丑會試場後見獬卷大駭曰第一人今屬子矣放榜果獬居首衡次之殿試二甲一名改庶吉士尋授編修館課出人爭抄傳嘗自勵云取天下第一等名位不若幹天下第一等事業更不若做天下第一等人品大學士李廷機素端介獨與獬善過從談必竟日閩苦稅璫有奸人勸璫上書分括山海之利人心皇皇獬貽書溫林二御史寢其事以病假歸囊僅數十金一日鴻漸山圯一隅大星墜地而獬卒年三十有七獬夙聘顏氏將及笄得疾而眇其妻父欲易以他女獬堅執不可及娶情好甚篤既貴如一日爲孝廉時有巨姓橫鄉里痛絕其非巨姓乘獬北上匿衆擊之途獬下車亟避忽見兩白衣婦掖過叢棘中入村舍得免回視寂無人也性嚴峻狷急殫心力學矢口縱筆精義躍如海內傳誦其文曰許同安所著有四書合喙叢青軒集六卷祀鄉賢

池顯方字直夫號玉屏浴德子初受知於撫軍南公居益天啟二年甲子舉應天試工詩文喜山水嘗陟武彝游秦淮登泰岱舉山川磅礴清華之氣盡縮入毫楮間故所作空靈飄忽不可方物以母老不赴春官參禪樂道結廬玉屏端山延陳止

同安縣志

卷之三十一

人物錄 文苑七

止說法其中六時與香鑪經卷爲緣時與鍾譚相唱和海內名輩如董其昌黃道周何喬遠曹學佺皆折節樂與交尤與同邑蔡復一稱莫逆復一經略滇黔一字未妥郵筒往返討論著有晃巖集南參集玉屏集澹遠集李杜詩選林孕昌序其集云直夫冰璞枯骨畔幅坊身學紹青箱韻高白雪卓乎不可一世云

稿林素菴集曹荃序文晃巖集合纂

廈門志府志清白堂

王道照字恆甫號日近道顯弟生而穎異與兄奮勵切劘同受學於蘇濬試儒科輒高等省試屢蹶志愈堅文益進爲英警敏達事父母得歡心與人交溫夷樂易閭里細人慰勞良苦然少見謬戾必直折不少徇爲人謀擘畫利害必殫心力人皆愛而嚴之論文精識鑒所心賞者皆成名若券母沒哀毀踰禮越年臂瘡發渴誤食西瓜歿年四十七

清白堂稿

林道光字一槐蔡林人幼從塾師肄業過目輒成誦長博覽羣書與邑中元微爲友或登高懷詠或對席論文稱爲逸叟道人

林泰葵字化日年十歲經史皆通尤精詞賦聞鍾斗先生設教卽負笈以從歸家與挺昇談論易理閉戶靜修以終天年

陳宗河采稿

劉霖任字受之號澹明夢潮子崇禎丙子登賢書攻苦過寒素二子既貴猶手不釋卷喜論文日與諸生講論品題時稱宗匠

梁岐超字士升號定遠宋文靖克家之後幼習舉業兼通堪輿事母以孝聞好觀書於歷代盛衰興亡之跡瞭然心目見內外交誼士大夫居高擁厚無憂國之心感憤不平嘗南遊得貲歸值歲暮過龍巖遇盜憐其孤旅不掠而去人謂孝誠所感享年七十七卒岐超能詩嘗與丹霞林文穆舟行聯吟文穆賞其水淺窺魚室林疏識鳥家之句謂逸致所著有史評志舊

黃繼冕字軒甫天啟初年以明經貢於朝廷試稱旨特賜進士授北勝州知州精於易得蔡文宗林次崖陳紫峯黃恭肅蘇紫溪之傳而爲易學之正宗著有易經註解六卷

清

李其蔚字豹君入晉江庠崇禎壬午舉人順治壬辰進士任汾洲府推官工詩文法所著有秋懷磊園紀槩至見錄等集

陳常夏字長賓號江園生郟家居晉江游南靖庠家貧篤學順治辛卯舉人辛丑會

同安縣志

卷之三十一

人物錄 文苑 八

試第一出爲米脂令辭歸僑居漳之龍溪蕭然一室左經右史雖脫粟不繼怡然自得也有故人贈之金悉以分諸匱乏者晚學益邵望益高負笈從游者如雲日與諸弟子講學不倦卒學者稱爲鐵山先生著有課兒家乘江園詩文集雍正稿

張贊宗字子參康熙壬寅入粵隱粵市數十年事父母先意承志生養沒哀食指近百獨力拮据而家政推兄主之兄沒推嫂嫂沒推姪皆不問出入其自處一錢尺布不私後家稍落有諷以析箸者則涕泗交頤曰烏有八十老孀而改節者丁丑歲歉飢民就食省會露宿致斃贊宗力爲勸捐設廠煮薑茶以濟之生平慕古好學爲詩文奇思偉論皆能獨出手眼青壇吳太史有墻東避世之稱陳元孝唐海門有酷肖子長並駕錢劉之目先築齋於雙橋額曰澹若學者稱爲澹若老人晚自號不然翁年七十三卒所著有史評咏古澹若齋前後編餘狂井桃蜩音詞等集閩中孫士傑序而刻之並爲之傳子河圖康熙辛卯廣東舉人

周奠邦吏部家椿曾孫以才豪諸生中著有易說歲鑑史匯四卷恕醉集二卷

陳夢球號二受石尾人鼎孫永華子有文名由正白旗籍中康熙甲戌科進士翰林院編修歲戊寅高麗阻飢奉命運米賑濟復使乘舟浮海由北直抵閩巡視六省

以詳險要己卯典試湖廣所拔士多捷南宮

林鵬揚字翼南康熙己卯舉人任京山縣補良鄉縣改漳浦教諭藏書萬卷選擇詩

文手自評隲著有穆齋經義未梓

厦志

周奇炤爲諸生淹貫經史教授多成名晚年淡進取大肆力於詩文有躬行堂詩文集

蔡驥良字德夫號素亭少孤讀書勵志作爲文章獨出機杼又工草以漳浦學中康

熙庚辰補科舉人榜姓劉復本姓二十九年教諭同安日集生徒會課不怠清學

宮射圃地不混於民居在任十有七年甲乙士人皆服之凡九上公車康熙丙戌

始登第同考稱爲義壇名手所著有日閑齋稿

葉奕章郡諸生以淹博著於邑里質疑問難者常屢滿於門

葉壽晟爲諸生刻意勵行篤學能文所著有四書解易解子心朝以南宮顯

池其繩顯袞孫康熙辛巳貢生性行溫和好學不倦著史眼詩緯四書講錄三極藏

書求齋別集等書

許其鏐字含之工詩田茂遇謂其縱橫自如不囿於境如樵秋嶺釣春潭童山涸澤

同安縣志

卷之三十一

人物錄 文苑九

未足擬似

莊元聲饒於庠性嗜學於天文地理諸子百家之書皆能通貫人以腹笥稱之有雁

字詩校射賦膾炙人口

陳可遠陽翟人字騰公號與洲爲諸生饒於庠恬淡好學教授生徒日以道義經史

相勸切躉躉忘倦年幾九十有以文就正輒令孫曾口誦諦聽改定進士蘇遂雅

慕其名登第後猶修贄執弟子禮其推重如此著有澗香編詩文大易參訂朱子

綱目詳論周禮訓解禮記定本宋四家詩評各若干卷

張對墀字丹颺號仰峯青嶼人遷居晉江康熙甲午舉人辛丑進士雍正二年考試

一等任太康知縣殫心撫字政聲踔起因友人事株連獲罪卒於配所對墀博學

多識工時藝爲泉第一詩古文尤奧衍宏深力追古人所著有同江詩文集同江

四書文行世

參通志

黃而輝字述之好學工詩爲詩冲淡雋遠華亭董蒼水俞謂其詩如飛黃躡影瞬息

千里而步驟有度不負泛駕之累又如于洞庭湖心吹鐵笛清聲俊韻能令波濤

滉漾魚龍出聽田鬣淵茂遇謂其和平而俊爽幽細而穩實洋洋灑灑於風雅窮

泳游而身厲揭所著有訥園詩選

高言集

許琰字保生號瑤洲居邑前宅復回居董林村幼穎慧六歲能詩八歲能文年十四即著有寸知編已入鼇峰從侍郎蔡文勤游授宋儒性理書身體而心驗之充然有得雍正甲辰魁於鄉丁未成進士授翰林庶吉士性傲兀散館磨勘爲睚眦者所中改知縣飄然琴劍放浪燕齊楚豫吳越間盡發其牢騷不平之氣境益窮而詩益工晚賦歸來杜門嘯歌蕭然自得所著有玉森軒稿鼇峰近咏餘鱗集水泳集方知集寓金陵時合梓爲寧我堂詩鈔及瑤洲文集詩餘詞調齊河縣志荏平

縣志普陀山志各若干卷

鼇峰近詠序寧我草堂序合參

陳重琳字次雍安仁里馬鬢人籍隸龍溪雍正甲辰鄉薦少沈靜喜讀書父母以獨子憐之及夜以帳蒙燈篝潛讀弱冠補弟子員壬午中副車時學者多剽襲浮靡鮮根柢實學重琳獨細研宋儒性理諸書無不破其藩籬洞徹源委終日危坐如木偶人乃至講解理蘊辨析古今疑義則滔滔不竭若決江河故一時從游數百人多所成就性嚴重喜怒不形不議人長短得失至大義所在必毅然而爭舉鄉時年六十八矣猶纂言舉要手不停披即臥病牀褥亦列書史以自娛所著有四

同安縣志

卷之三十一

人物錄 文苑十

書彙鈔經義纂要華嚴文集學者稱爲華嚴先生

舊志

莊天能字景又歲貢生博涉羣書下筆千言立就問奇者屢滿戶外隨叩輒應歷主

雙溪書院講席一時髦秀咸列門牆著有未齊集及粵游草

曾源昌康熙六十年歲貢著有臺灣雜咏逢齋詩集行世

劉天澤字履臣雍正癸卯舉人著四書述酌士多宗之

林豐玉字伯年號璞園雍正甲寅優貢生任甌寧訓導與諸生講學尋考亭遺緒丁母艱杜門不出日評經傳著有後學程式卒年六十

陳皋字子偉陽翟人增生博學工書法尤長詩古文詞泉南風雅推爲白眉誘掖後進多所成就前邑令朱奇珍延修縣志秉正不阿時論躋之著有周易標旨葩經纂要輪山存真稿愧雅軒詩集鶴崖後稿各若干卷

府志

劉蔚字希仲爲諸生補餼積學淹博爲文規撫東西漢授徒嚴肅經史子集皆令手鈔成誦著有後村文稿四卷外集二卷四書臥薪集七卷次子蘭三子紅菜同時入泮紅菜乾隆辛酉舉人

劉寶玉字敬承廩生淹貫百氏尤得力於韓柳二家爲文高古不蹈常蹊隣郡士越

境就正戶履恆滿寶玉悉心講明復粘箋指示聞者各得其意以去著有愛霜篇更炊草行世

黃江字岷水積善里錦宅人巨川其號也賦質聰敏讀書日可數千言少時爲諸生每負氣自豪及長從陳華嚴游沈浸宋諸儒恍然悔悟遂謙冲自抑勿以賢智先人父錫明積學無所遇以立名望江江益奮勵博通經史工詩及古今文中雍正甲辰科舉人猶以南宮未捷爲歎已銓縣令以非父志不就援例爲內閣撰文中書迨辛未弟濤聯捷成進士乃曰今差可少寬吾責耳上事二兄備極愛敬與弟同學業出入必偕登臨必共江早年喪母嘗累歎終日晚歲與弟約曰吾與汝皆不及養吾母儀容亦無髣髴焉歿當同窆於公墓之旁以申其痛爰自題瑩石曰肥山姜被而卒年六十有三所著有河圖洛書律呂圖說四書日抄若干卷藏於家錦莊詩古今文已合文川稿梓行

張星徽字北拱號居亭父德溥雍正壬子舉人以孝友著星徽康熙丁酉第三名經魁榜姓金復本姓辛丑成進士磨勘罷第歸以舉人銓選授望江令改海澄教諭興學課士勤於其職生平好學慕古遍讀羣書老而彌篤著有歷代名吏錄四卷

同安縣志

卷之三十一

人物錄 文苑 十一

春秋四傳管窺三十二卷評註戰國策全集十八卷掌教霞潭芝山書院又著有湖山稿評選

莊科達字文清號困齋郡增生在坊銅魚館人少篤於學自經史而外凡諸子百家天文地理之書靡弗曉暝寫晨書雖酷暑嚴寒未嘗釋卷老而不倦家故貧杜門不與外事又古樸性成拙於逢世由是益困及至炊煙屢斷而編纂如故晏如也嘗自題其座右曰師聖友賢惟此詩書長作伴知人論世時將敬恕省存心卒年七十有九所著有古文自得二十四卷經史詮釋二十二卷

葉晴峯字子機感化人邑諸生喜讀書工詩賦不沾沾舉子業閉戶兀坐終日或遇佳山水無朋獨往樂而忘歸有茶酒癖見麴車流涎見茗鐺亦如之議論古人輒能道其源委所著有閩中詩話宋詩論世泉山文獻各數卷

陳世澤字榮仲陽翟人住在坊榮選仍孫郡廩生性古樸究心經史喜爲詩歌從游其門者甚衆所著有漢書滙要印江詩單

康亮洪前人遷住馬家巷爲邑諸生敦修實行汲古自勤垂老未嘗釋卷著有經學明辨論史勺言史記衷平等書

劉蘭字青座東橋人住施山蔚子庠生篤行好學自經史以及諸子百家皆手抄成誦爲文不蹈恆蹊大追古人著有梅庄文集四書集說

葉廷梅字近光號蘭春又號鼎居乾隆乙酉舉人少聰慧師事劉寶玉刻勵自命嘗一月爲文百首樹骨選聲必峯立鯨鏗詩得崑體擊鉢韻成爲人和而介剛而不犯談經濟決疑事磊落光明喜伉壯任義舉倡濬銅魚池改拓儒學大門建觀瀾亭修文廟并續志廷梅董事釀金構料寢食不離工次閱二年廟成志亦就緒次第葺名宦鄉賢忠孝節烈四祠復以羨餘構書舍於輪山絕頂後又增構輪山西軒梅山寺後有朱子石刻同山二字作梅亭鎮之東關外石橋圯於水捐修設護欄行者稱便六上公車不售志弗少衰作春花詩三十首傳都下健堂張都憲語人曰葉蘭春而不爲金華殿中人吾不相天下士晚與雲泉二乩仙游集句累頁爲一時佳話著有杼篋詩集灞溪文集灞溪雜作子紫花增生丹花武舉人高一揮字培穎劉五店人邑廩生少聰敏博涉經史子集手抄成誦爲文獨出機杼下筆立就工詩賦去陳取新不落蹊徑教授生徒多所成就著有尙書訓解周易管見瀏江文集子超然邑庠生

同安縣志

卷之三十一

人物錄 文苑 十二

蔡士哲字少真號九村郡庠生操履端嚴以古人自期許動必如法爲文有特識善持論高視闊步一洗軟媚塗澤之習詩古文皆高老自成家著有霽園論文續鈔試藝聞過堂初集名卿里中誌九山堂補書詩集性情畱編滄桑遺記銅城懷古八詠

郭邁字亦皋號拱山在坊人乾隆三年舉人七年壬戌進士授知縣主講玉屏書院日擁皋比進諸生講解經說嚴密課程厦人士言師範者歸焉厦門志

蔡德輝字子耿自號覺叟性倜儻不屑仰面於人時以吟咏自遣著有鳴秋草五卷

蠡測文集十卷全閩詩傳

李正捷字遜之能詩工書善鼓琴深於天文地理兼精劍術著有月山詩文集

黃日紀號荔厓以生員特用中書科中書陞兵部武選司主事丁父艱歸闕別墅於鳳凰山麓饒泉石亭榭之勝園多古榕蔡文恭公題曰榕林日紀工詩文性好客往來名流多主其家著有全閩詩儔嘉禾名勝記榕林偶吹榕林唱和集荔厓詩

集等書嘉禾文獻考

洪晨芳字植卿號東暉城內北門人乾隆丙午科舉人爲文穿穴經義典瞻風華吳

蘭陔每嘆賞爲才子之文孫觀光光緒壬午欽賜副貢

葉潤號同山名卿楹人嘉慶辛酉舉人賦性婞直人不可干以私掌教雙溪書院循循善誘士望多歸之

黃維岳字奎石東門內人道光丙午科解元性至孝兼精堪輿術改建朱子祠於梵天寺後以振人文李傳賢之亂提督林文察沒於漳大府檄維岳至泉州舉辦團練以靖地方維岳踴躍赴勉任其難作偕作吟干旌告各三十首以諭大衆子超英邑庠生

童肯堂后城人邑諸生著有什竹詩鈔有子三人長蒙升次蒙古三蒙求皆能詩其詩多採入閩省三十六家詩鈔及國朝詩人徵錄

陳渭陽字筠竹知府江洲子也豪於詩酒書法尤佳直入米南宮之奧時提督軍門李廷鈺精於詩慕其名而聘之後渭陽爲鹺務參軍同邑童肯堂以詩名郵筒唱和雖遠隔萬里而和詩答韻情景依依書法留存於世頗多識者重之年四十二

卒

上吳錫琮采

曾蓮炬字啟照號鏡潭岳口人咸豐癸丑恩貢生選用教諭掌教馬巷舫山書院工

同安縣志

卷之三十一

人物錄 文苑 十三

詩文教讀多所成就子士玉同治癸酉拔貢聯捷鄉薦

葉善卿采

黃垂昆號鐵塘城內人同治丁卯副貢光緒壬午領鄉薦性婞直熟於古文筆法所爲文酷肖柳州一掃時趨陋習以此久困場屋然設帳授經造就生徒甚衆士望歸之同治甲子因髮警辦理地方團練左宗棠爲奏獎軍功後任育嬰堂善舉爲人排難解紛長於判決年六十卒子賡颺歲貢生

周濱河采

呂世宜字西村廈門人博學多聞富陽周凱任興泉永道見而奇之館於玉屏書院與莊中正林焜煌葉幾等同修廈門志性愛金石工考證精書法篆隸尤佳家藏碑版甚富見有真蹟輒傾資求之時淡水林氏以豪富聞里閭而國華與弟國芳皆壯年銳意文事見世宜書慕而聘之世宜遂主林氏日益搜拾三代鼎彝漢唐碑刻手摹神會悠然不倦林氏建枋橋亭園楹聯楣額多其書也又求善工刻所臨篆隸未竣而卒

臺灣志

陳瑞霖字景玉胡厝宅人聰穎力學詩賦古文靡不精研咸豐己未領鄉薦與弟紹基同榜掌教雙溪書院勤於教育每朔望召集諸生講解邑有小刀匪患東嶺一帶徧地荆棘瑞霖條陳弭盜之策於白大尹遂殲其魁羣盜悉平

陳禮儀采

陳鵬南字雲垂移居臺灣治精春秋爲諸生試每冠其曹餽滿入太學訓導連江學
學生敬愛之爲立生祠子思敬鶴山縣諸生癸酉副貢梅崖居士文集

陳障川字汝楫松田人歲貢生力學好古老而不倦嘗設教於誥命堂士游其門者
多獲雋年八十猶日涉經史世以經師稱之陳禮儀采

倪以瑑字蒲生號竹臣先世自明中葉由金浦徙邑之銅魚館累代書香未冠補博
士弟子員越歲考上等補增廣生顧賦性不羈視時文每唾棄不屑遂絕意科舉
借遊幕以抒懷抱一時當道折節下交者如隆雲亭方伯萬葵田廉訪方鶴泉太
守均延爲幕賓瑑遇事獻替每見施行所爲詩如老鶴寒梅清癯入骨尤工於倚
聲每填一闋風韻在梅溪石帚間咸豐癸丑任漳州丹霞主講最後任滬上龍同
海會館主席以賦性恬淡不甚諧時旋謝去晚築梅花廬以自娛榜爲日書畫琴
棋詩酒笙歌之店所作詩文多散失無存識者惜之采謝謙亭撰志銘及雙溪泛棹圖題詠高峻訪

陳騰鯤字曉秋松田人幼穎異負文名書法秀穎咸豐壬子捷鄉闈生徒甚衆皆邑
知名士也生平所爲詩俊逸清新有鮑庾風度掌教雙溪書院人文大振旋任南
靖教諭而卒子柏芬副貢生著有芳園詩文集二卷陳禮儀采

同安縣志

卷之三十一

人物錄 文苑 十四

陳青字君贈號小山松田人爲邑諸生精於金石之學以能詩名又善書凡秦漢晉
魏以下諸篆隸皆能摹寫畢肖邑之能書者甚珍貴之夫婦皆壽八十餘伉儷彌
篤晚年尤以吟咏自娛著有竹泉詩草

吳登龍字振玉號雲谿幼從孝廉陳騰鯤游盡得所學入泮後提督學政徐樹銘以
其詩文俱有奇氣擢送鼇峰書院肄業山長郭遠堂甚器重之旋歸里訖以文章
憎命青氈坐老教授生徒口講指畫循循善誘邑人士受其裁成者日益衆時文
風大振恆合官紳籌款增廣雙溪膏火名額又共謀建築考棚士子校藝有廣廈
咸依之頌歲在同治甲子地方受髮警偕邑紳辦團有功蒙左侯相奏獎同知銜
不受邑令白冠玉高其品特綴詩以贈之暇日輒與同里孝廉黃垂昆汪西之葉
奎山副貢陳柏芬相唱和著有蘊石山房詩稿遇事婢直敢言人不可干以私晚
以助賑出力由貢生獎中書銜卒年五十七子景崧邑廩生舉優行次子煌樞姪
錫圭光緒甲午同榜舉人陳禮儀采

葉鍾瑛字肇亨居邑褒美鄉父翌飛道光丁酉科舉人瑛幼承家學弱冠名噪郡庠
咸豐戊午補行己未鄉試闈中己定魁選以五策有傷時語抑置副榜瑛自知得

失有命絕意進取自後專以栽培後進為職志白海仙邑候慕其品學聘主輪山
講席其門下士多所造就子懋祺邑廩生

紅白梅花廬
稿高峻采

顏潤廷字子洋後塘人為邑諸生深於詩學殿撰王可莊來厦潤廷相與唱和風度

翩翩殿撰甚賞識之著有秋槎詩草三集

陳禮儀采

胡承烈字偉生霞露人為文豪宏縱橫有奇氣濟寧孫學憲按臨尤賞識之舉拔萃
科旋領鄉薦子祥麟邑庠生

王步蟾字金波號桂庭幼講韻學十五入邑庠光緒丙子優貢己卯領鄉薦甲申以
後益銳志於詩學與同邑孝廉呂澂最友善所為詩蓋導源靖節尤致力於香山

玉局者著有小蘭雪堂詩集四卷

參呂澂本
詩集叙

吳錫圭字瑟甫號翊堂幼聰穎博學能文凡詩賦古文經解靡不精研入泮後累試
不售以久困場屋益自淬厲所為文穿穴經義獨鑄偉詞歲科試累擢第一光緒
甲午領鄉薦益肆力於古文及詩歌嘗作野船恰受兩三人試帖有星火瓜洲似
風颿李郭參之句刻劃盡致時或詠史又落落大方上下千古令人生感見於翠
雲小舍詩文集中教授生徒主嚴格從學者多所成就卒年四十有六葬於洪濟

同安縣志

卷之三十一

人物錄 文苑十五

橋後之前湖

陳禮儀采

葉大年字廉卿號梅珊由優貢中光緒甲午舉人聯捷進士點翰林院庶吉士幼聰
穎為詩文有清超拔俗之致福建學政陳學棻最賞識之

周冕字為璧號蘊齊邑廩生登瀛子也少孤家貧而質殊聰穎刻苦自勵與吳錫圭
張菱許步墀吳煌樞最友善而以次領鄉薦性耽吟咏書法尤老卓著有愛蓮詩

草

陳禮儀采

張菱字子庚號熙堂少從學於孝廉汪西之所為詩文具有根柢同治間為郡諸生
旋食餼光緒癸巳領鄉薦居鄉以渾厚稱不輕入有司之門晚年尤耽吟咏著有

潛庵詩草二卷

陳耀礪字渭東號濱璜光緒壬午舉人掌教金門浯江仁德里崇聖兩書院每課文
評點不苟肄業者多所成就家臨東溪距弁石臺百餘武暇輒垂釣其上有弁石
釣月詩云半溪涵月色垂釣一竿橫塔影低秋水煙痕鎖古城石臺流不去蟾魄
皓無聲四面波光淨騷人別有情生平絕跡公門有澹臺風著有修齊要錄文苑
錄九峰齋集稿刪輯爾雅撮要紀事錄四書改錯同城瑣記文體別裁年七十九

卒葬東郊外西洋山之麓

陳延香采

林騰驤字雲衢號晴坡銅魚館人幼聰穎未冠卽熟十三經及子史道光癸卯補博士弟子員至同治丙寅又補廩食餼前歲髮逆四擾民心惶惶騰驤辦理團練以護城功蒙左侯相奏保訓導卻不受性耽吟咏著有渭樹江雲之齋詩集以辛巳歲貢選用儒學年六十九卒子玉堂歲貢生

倪炯采稿

同安縣志

卷之三十一

人物錄 文苑 十六